

**Oratio anniversaria in theatro Collegii Regalis Medicorum Londinensium,  
ex Harveii instituto habita, A.D. M.DCC.XC, festo divi Lucae / a Joanne Ash.**

**Contributors**

Ash, John, 1723-1798.  
Royal College of Surgeons of England

**Publication/Creation**

Londini : Apud J. Robson, 1790.

**Persistent URL**

<https://wellcomecollection.org/works/ddgdf72u>

**Provider**

Royal College of Surgeons

**License and attribution**

This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

13.

# ORATIO ANNIVERSARIA

IN

## THEATRO

COLLEGII REGALIS MEDICORUM LONDINENSIMUM,

EX HARVEILI INSTITUTO

HABITA,

A. D. M.DCC.XC.

FESTO DIVI LUCÆ,

A JOANNE ASH, M.D. COLL. REG. MED. LOND.

SOC. R. ET S.A. SOCIO.

---

Tois γὰρ θανᾶσι, χρὴ τον ἡ τεθνηκότα

Τίμας δίδοντα.

EURIP. PHOENISS.

---

τας θανόντας ὥκ εᾶς τεθνηκέναι.

ID. MELANIP. STOBÆI.

---

L O N D I N I :

APUD J. ROBSON, 1790.

ЛІКВАДАЦІЯ ПІДПІЛЯ

І

О ВІДПОВІДЬ

МОЛНИЯ СІМІСЬКА ВІДПІЛЯ

ОУТІВІДЬ

ЛІКВАДАЦІЯ

ВІДПОВІДЬ

ОУТІВІДЬ

МОЛНИЯ СІМІСЬКА ВІДПІЛЯ

ВІДПОВІДЬ

ОУТІВІДЬ

МОЛНИЯ СІМІСЬКА ВІДПІЛЯ

ВІДПОВІДЬ

МОЛНИЯ СІМІСЬКА ВІДПІЛЯ

ЛІКВАДАЦІЯ

ВІДПОВІДЬ

VIRO EXCULTISSIMO  
GEORGIO BAKER, M.D. et BARONETTO,  
P R A E S I D I D I G N I S S I M O ,  
S O C I I S Q U E O R N A T I S S I M I S ,  
C O L L E G I I R E G A L I S  
M E D I C O R U M L O N D I N E N S I U M ,  
H A N C O R A T I O N E M ,  
ILLIUS JUSSU NON REPUGNANDO ,  
EORUM HORTATU NON NEGLIGENDO ,  
QUIBUS MAXIMUM DEBETUR OBSEQUIUM ,  
I N P U B L I C U M E M I S S A M  
E A Q U A S E M P E R C O L E N D I S U N T O B S E R V A N T I A  
D. D. D.  
J O A N N E S A S H .

B R O M P T O N ,  
*Decembris Cal. vii. M,DCC. xc.*

СОВЕТСКОГО СОЮЗА ФАРМ

О КУЛЬТУРЕ СЛАВЯНСКИХ ОБЩЕСТВ

СОВЕТСКОГО СОЮЗА ПИСАТЕЛЕЙ

СОВЕТСКОГО СОЮЗА АРХИТЕКТОРОВ

СОВЕТСКОГО СОЮЗА МУЗЫКАНТОВ

СОВЕТСКОГО СОЮЗА КИНОФИЛМ

СОВЕТСКОГО СОЮЗА ДРАЖАНИЯ

СОВЕТСКОГО СОЮЗА ПЕДАГОГИЧЕСКИХ

СОВЕТСКОГО СОЮЗА МАССОВОЙ КУЛЬ

СОВЕТСКОГО СОЮЗА МУЗЫКАНТОВ

СОВЕТСКОГО СОЮЗА МАССОВОЙ КУЛЬ

СОВЕТСКОГО СОЮЗА МАССОВОЙ КУЛЬ

СОВЕТСКОГО СОЮЗА МАССОВОЙ КУЛЬ

ORATIO  
*ANNIVERSARIA HARVEIANA.*

**Q**UANQUAM nihil mihi optabilius, dignissime Præses, vosque omnes, Medici selectissimi, potest accidere, quam ut mea vobis observantia, meaque præstantissimo huic collegio reverentia, nunquam defuerint, necessitudini tamen, hodierno die, in medium prodeundi, arduasque *Oratoris* partes sustinendi, annum jam penè agens septuagenarium, gratiam, licuisset modo, lubens fecisset. Viros celeberrimos, qui de patriâ, de

humano genere, egregiè meruerunt, laudibus evehere, dulce quidem est et honorabile: dignè tamen hoc efficere, et pro eorum virtutibus, opus est omnino aleæ plenum ac difficile, præsertim si in memoriâ habeamus, plerosque jam memorandos, non solum antehâc, per multos annos, et in hoc loco memoratos fuisse, sed sæpiissimè, a viris facundissimis, pleno ore, collaudatos.

CUM majorum nostrorum fama, suâ etiam gratiâ auditores teneat, suâ magnitudine, omnium admirationem moveat; et quorum facta, memorare quisque pusillus, exornare verò, quis potest vel eloquentissimus?

SED ex auctoritate et instituto Harveii nostri mos obtinuit, ut nos, hominum de nobis optimè meritorum, eo ipso præcipiente, retro et a tergo annuam aggredieremur commemorationem: ut ii,

quorum munificentia, quorum nominum et exemplorum laudibus, res nostrae in talem amplitudinis gradum efferantur, gratâ & solenni oratione concelebrarentur.

ENIXE igitur a vobis peto, charissimi auditores, ut faveatis, dum mihi munus, a *summâ auctoritate* demandatum, nostris in medicinâ majoribus, præconia tribuendi, et clarissima eorum facta pro viribus ab interitu servandi ita sit inceptum ; et, uti spero, ludibrio et despectui non habendum ; et cum a *vobis expostulantibus*, præcipue in hoc incubuerim, vestrum erit conamina mea æquo animo accipere, senioque jam dilabenti, condonare.

CONSILIUUM autem est hujusce instituti, ut pulchriora majorum facta, non tantum a nobis, sed a posteris, non tam memoriam et sermone recolenda, quam vivendi ratione & moribus sint exprimenda :

fin sic res sese habeat, quicunque hasce laudes ægrius ferant ; videantur, quod parvum argueret animum, ob aliena dolere merita : vel quod iniquissimum fuerit, communibus omnium commodis miserè invidere : qui enim fructus in uberiorem messem possint assurgere, quam si illorum, quibus semina eruditionis accepta referamus, perquam maxima efflorescant præconia. Virtutes gratioribus saltem verbis prædicemus, quas minus fortassè licebit factis attollere, et cum amore sequamur eos, delicias nostras, quos etiam longo sequi intervallo haud erit ignobile aut inglorium.

Festus hic dies est, et Evangelistæ sanctissimo Lucæ consecratur. Is natione Syrus fuit, Antiochenensis, professione medicus : vir, ut et a suis, et aliorum de eo scriptis satis appareat, insigni ingenio. Quique dum, CÆLESTEM SUUM, ex quâcunque occasione, DOMINUM, MEDICUM UTPOTE

SUPREMUM, CERTISSIMUMQUE HUMANÆ SALUTIS  
AUCTOREM indicaret, ipse humanitatem divinitûs  
adeo omnibus præsttit, ut a posteris in cultu quo-  
dam et admiratione haberetur, utque *demum* hanc  
artem patrocinandi amplissimam summo digna-  
retur honore.

SIN autem, hodierno die, de artis præstantiâ  
nostræ, vel de medicinæ historiâ multam habere-  
mus orationem, in immensum profecto campum  
diffunderetur. Non de Græcis, non de Romanis,  
non de Arabicis medicis dicendum est. Sed ea  
est hujusce diei festivitas, cum venustate con-  
juncta, ut primarii nostri ordinis, *viri* quorum  
imagines hic et inde affixas contemplemur ; quo-  
rum benefacta, votivis nostris tabulis, enarrata in-  
tuemur, æternam sibi comparatam habeant memo-  
riam ; quorum etiam munificentia, hunc jam in  
locum, in festo hoc die, convenimus, ubi epulum  
tam lautum instruitur hodiernum : ea enim erat

Harveii

Harveii animi hilaritas, jam jam admodum senex,  
ut non sapienter magis quam magnificè ordinatum  
voluisset.

QUIS autem ex his illustribus viris primum sibi vendicet locum? Ille pro certo, qui primus hoc instituit collegium, omnium utilissimus, LINACRUS: cuius equidem ingenium, in suboscuro eo, quo vixerat, seculo, quasi nova quædam lux, insperato exortum est, ad patriam recreandam, et illuстрандам: ut erat, singulari indole, et ad omnes disciplinas, in quibus literarum haberetur ratio, promovendas aptissimâ, itâ nullum, quo possit insitam vim animi excolere et audaugere, studium aut consilium neglexit. Doroberniæ fuit natus, et in Oxonio suo diu commoratus est, ut in scientiis absolutus & perfectus fieret: si quæ scientiæ illa puriore luce extra monachorum claustra illustrabant tempora; et ibi vix et ne vix quidem, aliquod lumen, sed sublustre, sed dubium, fundebant;

bant ; attamen literis Latinis fuit accuratè et exquisitè eruditus.

ET Græcarum causâ calendarum in Italiam migravit : in Italiam, tunc temporis, uberrimis florentem ingeniis, et perenne humaniorum literarum et elegantiæ politioris domicilium : et ubi Græci eruditissimi, Constantinopoli a Turcis captâ exoptatam sibi sedem invenerant.

IBI Linacrus eximio favore fuit acceptus a Laurentio Medicæo, viro suæ ætatis exultissimo, et literarum omnium fautore insigni.

QUANTUS autem fuit Fundator noster, in omni genere literarum excolendo, multi testantur autores. Quantus in literis Romanis excutiendis, sua emendata structura Latini sermonis testatur. Quantus in omni medicinæ scientiâ, sua scripta medica testantur. Quantum animi fuit acumen, quam mira

mira in arte suâ exercenda felicitas, testis est instar omnium, quod ad regii juvenis, qui fuit spes et ornamentum patriæ suæ, sanitatem tuendam, mandatus fuit.

**Q**UIBUSCUNQUE autem honoribus Linacrus noster pro omni genere literarum excolendo, et præcipuè pro summâ in arte nostrâ solertiâ, a civibus suis fuerit cumulatus, cordatior tamen et majori gaudio in amplexus nostros acceptus est: primordia nostræ reipublicæ, secundissimis auspiciis posuit: disjectos ille et dissipatos quaquaversum medicos in collegium congregavit, mœnibus sepsit, legibus fancivit.

**E**GRESSIUM hunc virum summis laudibus prædicamus, non ob benevolentiam, quæ in eo maxima inerat, non ob literarum peritiam, in quibus maximè fuit versatus et exercitatus; non ob cæteras quamplurimas virtutes, quibus abundè fluit;

ruit: sed ob eximiam illam animi sagacitatem, ut ex iis medicis, qui præ cæteris doctrinâ, famâ, et virtute pollebant, in perpetuum sodalitium constituerit.—Hoc regii favoris testimonium gratissimum Linacro nostro debemus; qui in eâ aulâ, quâ maximas res potuit obtainere, gratiâ tantum ad hanc societatem stabiliendam est usus.

PRIMUS novi sui collegii Præses extitit Linacrus, et in eodem officio, sibi maxime jucundo, septem annos permanxit: cœtus in ipsius domo congregabantur; quam ipse moriens communitati legavit, quæque ab ea etiam nunc possidetur.

HONORES noluit ambire: divitias largas noluit comparare: nobis præesse, satis sibi gloriæ. Nos ornare, nos ad maturitatem perducere, et studiorum fœdere, et liberali societate conjunctos, in perpetuum habere, studio et labore semper contendit. Probe intellectum habuit, quanta

ad nos commoda e confortio ipso invicem redundarent.

IN hâc communitate confociati, his etiam temporibus, ut olim sub illius auspiciis, illiusque nomine, contra empiricos, militiam quandam perpetuam geramus; et inscientiam in arte nostrâ omnem in posterum impugnemus: ne MEDICINA, a fundatore tandem in summam libertatem vindicata, et in templum hoc nostrum honorifice evecta, ne DEA IPSA MEDICINA a sedibus suis in præcipitem data, iterum vilesceret, et in servitium inter populorum fæces, recideret.

Hoc animo, tanquam LYCURGUS alter, fundamenta civitatis suæ in primariâ incolarum institutione posuit. Prælectiones enim duas medicas fundavit Oxonii, et unam fundavit Cantabrigiæ: in quibus, in Hippocratem, authorem vetustissimum et optimum, in Galenum medicorum Græcorum omnium

omnium longe eruditissimum, commentarios legendos statuit: ita, ut in scholis nostris, principium et quasi seminarium reipublicæ nostræ esset perpetuum, unde socii sui, in arte optimis institutionibus eruditi et exercitati, in collegium suum, quod tum tacito meditabatur consilio, transferrentur.

LINACRUM proximus, et passibus omnino æquis, celeberrimus subsecutus est CAIUS. Quibus tanta morum consuetudo, tanta animorum et studiorum conjunctio intereffet, ut unum et alterum diceres: pari enim literarum progressu, pari honorum gradu, cādem in communitatem nostram gratiā, eodemque animi impetu fuere eximii. Ambo artium omnium, et præcipue artium medicinalium sūtientes, ambo doctrinæ fontes in Italiā recenter reclusos adierunt. Ambo in veterum libris transferendis et edendis, egregiè elaborarunt. Uterque, in patriam redux, habuit regiæ valedicē curam sibi demandatam; uterque præfidis

hujusce nostri collegii munus sibi delegatum. Annales nostros Caius summâ elegantiâ compo-  
suit; malignisque consiliis quibusdam tunc tem-  
poris contra nostram civitatem suscep-  
tis, res no-  
stras, et auctoritatem, et jura, fortiter in senatu  
vindicavit: statum et dignitatem collegii nostri  
postea novis legibus feliciter corroboravit, et sta-  
bilivit.

NON vero hujusce societatis tantum suscepit tu-  
telam; studio et amore erga homines omnes in-  
citatus erat; et, ne natale solum munificentia  
illius et culturæ liberalis expers relinqueretur,  
societatem medicam in Cantabrigiâ suâ funda-  
vit. Quam valdè laudes omnes nostras, quam  
valdè posterorum gratias, meruerit hoc Caii colle-  
gium, quod ex eo duo maxima non modo ci-  
vitatis nostræ sed etiam patriæ decora et præsi-  
dia, Harveius et Glissonus, quorum laudes mox  
celebrabimus, pro luminibus et humanæ naturæ  
ornamentis, exierunt.

ANATOMIÆ scientiam princeps excoluit Caius, et inventis suis quamplurimis locupletavit. Hortante rege ipso, strenuam prælectionibus operam per annos fere viginti impendens, medicinæ rationalis fundamenta quodammodo primus posuit; et facem Harveianam, lucem splendoremque mox in medicinam apportaturam, luminoso animi vigore, præaccedit.

A PRINCIPIBUS hisce viris hoc nostro collegio tam felicibus auspiciis posito, haud etiam nascenti auctoritati, in majorem utilitatem adaugendæ, multos alios deesse deplorandum est, qui fundatorum vota nostrorum ad omnia adimplerent.

INTER hos, cæteris eminentior, enituit CALDWALLIUS, Elizabethæ reginæ medicus, et collegii hujusce decus et tutamen. Hic vir, ad nobilem Linacri civitatem ulterius promovendam, sodalitium tam bene stabilitum, amicitiæ quodam pig-

nore

nore fibi magis devincire studuit: quocirca (Lumleio, divitiis affluente, in opus adscito), prælectionem chirurgicam instituit, amplisque muneribus dotavit.

ALTERAM, Gulstoni donum, prælectionem habemus: quæ etiam anatomiæ studio provehendo infervire poterit, ut viscerum structura, et internæ morborum sedes, in lucem proferantur. Nos itaque in hâc palæstrâ ex omni parte optimè exercitatos voluerunt hi viri optimates; mancam et debilem medicinam opinantes, ni socii nostri forent semper bene parati consilium faltem dare, etiamsi non operi ipsi manus admovere mus.

Ex hac cathedrâ Caldwallianâ quos fructus abundantes acceperat res medica, abunde testantur annales: HARVEIUS — et te, divine senex, te, vir beatissime, summâ admiratione adveneror.

Harveius, immortale illud cathedræ hujusce columen, et nobilissimum collegii nostri ornamentum, testis est clarissimus. Harveio, in hac cathedra confedenti, muneribusque constanti animo perfungenti, et ea magnæ auditorum frequentiæ præmonstranti, viam aperuit culter anatomicus, non ad famam suam, nam hucusque ea summa fuit, sed ad praxin in medicinâ rationalem eximiamque confirmandam. Intima naturæ penetralia perscrutatus est: cordis fabricam, perpetuos sanguinis per venas, valvis innumerabilibus instructas, RECURsus, incredibili animi acumine, non modo depinxit, sed explicuit etiam, atque demonstravit. Harveius, semper operi intentus, simplex, patiens laboris, universam corporis humani structuram oculis subjecit. Quanti vero fit ponderis, quantæ utilitatis, five ad morbos omnes plenius cognoscendos, five ad debitam sanguinis missionem, five ad remedia in omni morbo rectius adhibenda, facilius esset mihi explicare, quam vobis, in his omnibus

omnibus non tantum edocētis (sed id quod majus est) maximē expertis, necessarium fuisset.

Si tantus apud vos, auditores, sit Linacro honos, qui ædes fundaverit, opus, pro certo, omnium utilissimum, et omni laude dignissimum! Si tantus sit Caio honos, quod ædes fundatas protexerit et conservaverit; et ea ornamenta, quæ *virtutis* ipse *insignia* vocavit, excogitaverit et adjecerit, ut ea splendidiora nos ad virtutem assiduè colendum, resque nostras fortiter et constanter tuendas, quotiescumque ea cerneremus, ardore accendant! quâ tandem *Harveium* veneratione accipietis? qui medicinam ipsam de novo restauravit; erroris omnes nebulas in arte ipsâ, uti sol ætherius, dissipavit; et certam experimentorum fidem vanis opinionibus opponendo, magnum illud medicinæ hucusque arcanum, sanguinis circuitum detexit; arcanum, quod subtiliora antiquitatis ingenia haud unquam vel levi conjecturâ innuissent;

haud

haud enim vel in Hippocrate vel in Aristotele minimum exstat tantæ veritatis vestigium.

AD celebrandos hujusce viri maximi triumphos, quis non laureâ tempora illius Apollinari donare cupiat? Quis non exultante animo flores spargat? Et quis, choros inter canentium innumerabiles, vocem attollere non gestiat?

TAM bene stabilito sanguinis circuitu, complures magni nominis viri, in hâc nostrâ palæstrâ exercitati, ad artem rationalem magis exornandam fese accinxerunt. Quique omnes, licet intra angustiores aliquot partes corporis, vel visceris cujuslibet, limites coerciti operam tamen optimè præstiterunt: inter hos quare LOWERUM, WHARTONIUM, vel GLISSONUM vobis nominaverim? Glissonus autem in physiologiâ Harveio fuit proximus, primoque penè par, singulari dignus est commemoratione.

Hic vir etiam rebus collegii anatomicis, et postea collegio ipso meritissimus fuit Præfectus. Hic cum Harveius tam mirâ solertiâ primarias functiones vitales explicuisset, Harveio duce, functionum naturalium fortiter in se explicationem suscep- perat: primus, et antiquorum et recentiorum medicorum, non minore diligentia quam solertiâ **HEPATIS** structuram, tam internam quam exter- nam, dilucidavit; et usum Hepatis in œconomiâ quam vocamus animali, in clarâ luce et ob oculos medicorum, ad istum diem ignotum, aptè collo- cavit: Et HARVEIO DUCE, *arcانum aliud* in me- dicinâ detexit; arcانum quod subtiliora antiqui- tatis ingenia, non re, sed opinione ducti, attingere conjecturâ nequiverint. GLISSONUS eodem modo minutiores ventriculi fibras et intestinorum inda- gavit, modumque parandi chylum, sicut antea fecernendæ bilis rationem pari sagacitate et ele- gantiâ demonstravit: et Glissono monstrante viam, **HALLERUS**, physiologus solertissimus, experimenta

ejus ulterius prosequendo, *proprietatem* illam fibrarum animalium, per quam nullo dolore comitante irritari poterunt, et quam in fibris quibusdam animalibus vivis inesse, sicut in materiâ universali *gravitatem* perdocuit: et hic physiologus præstantissimus doctrinam, Glissono nostro, jure maximo, referendam ampliori explicuit modo.

Sin summis præconiis cumuletur Harveius, quippe quod fundamenta artis in sempiternum ævum conjecerat, vix minoribus accipiendus est honoribus SYDENHAMUS; qui in ea ædificium concinnum, ex omni parte firmum et elegans, superstruxerit. Verum sane si omnium recentiorum scripta evolveres, neminem invenies ita cautis atque tutis gradibus *per ignes cineri doloso suppositos* incendentem: huic enim erat ingenium adeo in artem medicam comparatum, ut si nullius in verba juraret, nullius libros compilavit; sed ærorum lectis mirâ sedulitate assidens, quid natura ipsa faceret, vel quid sustinere posset, curiosius investi-

gaverit. Nullius imperio subditus, non ullaſ huic vel illi scriptori aptas opinionum commentationes excogitavit, ſed, quod reverā factum fuerat, expofuit; fidi historici partes agens nihil falsi dicere aufus, nihil veri non aufus eſt.

Omnes morborum historias, ſummā fide, ſummo judicio, enarravit; ut quid, in quāque mortaliūm ægritudine natura ipſa indicet, adeo accuratiūs descripferit, ut varietates et morborum discrimina minutiora adeo ante oculos exposuerat; ut quibuscumque ornementis vel necessariis ſupelleſtilis partibus, ædificium ſuum decoraverit, omnia de ſuis observationibus deprompta fuerint, certamque medendi rationem, omnino *ſuam*, quaſi digito monſtraverit lectoribus.

Sr inter medicos perdoctos, ſub ſeveriori diſciplinā inſtitutos, RADCLIVIUS haud eſſet enumerandus, ab eo tamen diſcendum eſt, quid a celere promptoque

promptoque animo, sine literis, quid ab homine acutiori, naturâ usque sagaci, fieri poterit. Hic enim vir singularis, abnormi sapientiâ, ingenio suo, et experientiâ maximè fuit eruditus; adeo ut cæteris omnibus præiret, medicorum sui temporis facilè princeps atque tyrannus: mores hominum et vitia, æquè ac eorum morbos, ille vafer intellexit, et nemo tanto sale tantâque libertate notavit. Plurima tamen, et perquam maxima, in res medicas solertiâ suâ contulit. De instantibus morbis verissimè judicavit, de futuris callidè conjectit: adeoque ut omnem expediret morbi causam, pauca sed necessaria remedia imperando, eventus omnium secundaret. Et per immensam remediorum præcidendam farraginem, quam aut recentiorum ignorantia, usu atque experientiâ minimè dominantibus, vel inepta antiquorum conse- craverat veneratio, revera ægros omnes et a morborum severitate et a remediorum fastidio exoneravit.—Maxima autem Radclivio semper erit gloria,

gloria, in omne ævum transmittenda et a nobis omnibus clarâ voce prædicanda : quod *Testimonio* legaverat, ut Oxonienses sui, singulis decenniis, binos artis medicæ studiosos, stipendiis fatis amplis suppeditatos, ad exteras medicinales colligendas divitias, et easdem ad pedes vestros deponendas, in perpetuum emitterent : ut quicquid scholæ medicinæ extraneæ, novis inventis, notatu dignum fuggerere potuissent, illa omnia ab hisce viris, tam lautâ provisione Radclivianâ sustentatis, in Britaniam nostram, et in hoc collegium, maximo jure importanda fore expectare liceat ; ita juvenis, maximæ spei, mihi consanguineus, sub tutelâ meâ institutus, et nuperrimè illustriorum favore viorum, in hunc locum honestum constitutus : Oh ! utinam ut multas tales divitias opimas, in hoc sacrum collegium contulerit, in gratuitum avunculo suo solatium, qui apud vos, collegæ amicissimi, summo honore, et gratissimâ animi affectione, in amore habitus sit.

HIS, facilem se comitem adjungit RICHARDUS MEADIUS, *præsidium* et *dulce decus* medicorum omnium; inter fratres insignior, inter doctos eruditior, inter amicos jucundissimus. Literarum non fuit ostentator, sed comes amantissimus. literatorum Mæcenas munificentissimus; adeoque ut in omni liberali doctrinâ, et Græcis et literis Latinis, haud quisquam plura fuerit expertus.

ANGLICI vero sermonis tanta ei erat venustas, tanta oris suavitas—*Virgilium tantum vidi*—tanta comitas cum gravitate judicii conjuncta, ut in dicendo vel in scribendo, nemo inter homines fuerit unquam elegantior. Et ut in iis studiis quæ homine ingenuo sint dignissima, sic et in iis virtutibus quæ ingenuum animum maximè exornent, politissimus. Hic vir eximius variorum hominum mores et scripta simul contemplando, avidè arripuit, quodcunque erudita antiquitas, vel recensiorum ingenia aut eruditio suppeditare poterunt,

dum-

dummodo aut humanæ menti excolendæ, vel rebus medicis perficiendis inservirent : et ea omnia tam felici industriâ in hanc artem transtulerat, ut longè omnes præstantissimos, e quâcunque scholâ, superaverit. Sed neque modò in arte et publicis consiliis sed in otio et privatis officiis ipse ita sibi cunctos devinxit humanitate, ut senes eum amabant, juvenes admirabantur, amici colebant, pauci nisi malevoli invidebant, in odio nemo habebat.

MEADIO, tam amicitiâ quam arte conjunctissimus, Oxonio ortus, hujuscce collegii lumen præclarissimum, effulgebat FRIENDUS : hos habet, hos ostentat gymnasium nostrum, magistros in arte nostrâ illustriores ; quibus nec Asiaticæ scholæ jactaverint pares ; nec Coiæ superiores. Hic enim vir, omnibus naturæ et doctrinæ præsidiis adeo instructus erat ut artem difficillimam levi labore didicerit ; et eâ disciplinâ eruditus eam strenuè ornayerit. In

scholis

scholis suis nonnullas artis partes, præcipue chemiam accuratius quam pro temporum eruditione docuit: in urbe artem solertissimè exercuit. In senatu, senator ipse, artem ipsam et civitatem nostram eloquentissimè defendit. In amicitiis integer et incorruptus; et quantas hoc curarum nostrarum solamen, commoditates omnibus secum afferat penitus inspexerat, quippe quod socios suos non minus integrâ quam crebrâ admonitione edocuit, mœnia nostra solum sociorum confensione et fratrum concordiâ firmius stabiliri: et non aliter, quam odiis et dissidiis, everti posse. Miram ejus in rebus receditissimis solertiam; linguarum peritiam et elegantiam exquisitam; diffusam et profundam sacræ et profanæ vetustatis perceptionem et comprehensionem, agnoscant omnes nos præsentes, nec in silentio habebunt posteri.

IN majores nostros, quorum institutis et benevolentia tot præclari medici in scenam publicam

E producti,

producti, inclarerunt, ingratior videar, si multa eorum nomina, quorum scriptis instructiores in artem salutarem exercendam successimus, prætermitterem: sed vox et dies mihi deficerint, auditores, si omnibus, quibus maximo jure debeatur, laus foret dicenda; et quorum etiam nomina, annalibus famæ amplioris et insignioris consignata, enumerare quidem nequeam.

INGRATISSIMUM autem omnino fuerit, si te, charissime HAMÆE, in silentio præterirem, fautorum optimum nostrum.

HASCE enim ædes, per iniqua improborum et indoctorum consilia sub hastâ venditionis positas, hic vir ingenti suâ pecuniâ redemit, et nobis gaudentibus restituit: collegium nostrum a Linacro fundatum, conservatum Hamæo habemus; nam incendio illo immani, quo urbs Britanniæ florentissima deflagravit, ædes nostræ periissent,

nisi

nisi Hamæi gratiâ factum ut pulchriores resurgerent.

Suus cuique est modus tam in beneficiendo, quam in cæteris rebus; sed erga nos Hamæus omnibus inclaruit modis. Nosocomiorum ratione habitâ, ut iis nunquam defuturi sint medici ex vestro ordine experientissimi, stipendia jamjudum amplissima porrexerat Hamæus. Cœnaculum magnifico adornaverat opere; oratoris Harveiani honorarium auxit; convivium hodiernum lautius propriis fecit impensis: quid mirum itaque fuerit, si vivens nos omnibus modis coluit et amplificavit, prædiis suis denique moriens locupletaverit.

LICEAT autem mihi tam insignibus, nostri ordinis, viris alium adjungere; liceat *oratori* vestro amicitiae tandem indulgere suæ; liceat, auditores optimi, magnis his nominibus VIRUM adsciscere, vobis omnibus dilectissimum, mihi vero arctissimâ con-

junctum amicitiâ; virum quem alii experti sunt,  
 non minus eximiâ comitate, animique mansuetu-  
 dine quam morum simplicitate verè amabilem.  
**A**D DINGTONUS noster, loco natus honesto, ab in-  
 genio literis a puero optimè fuerat instructus. A  
*Wiccamicis* in SACRO-SANCTÆ TRINITATIS Oxonii  
 collegium translatus; ubi studiis operam, tam  
 felici successu navavit, ut primam lauream mature  
 adeptus est. Adversâ autem valetudine, nimium  
 festinanter ab Oxonio, et in rus, ut natalis soli et  
 aeris frueretur oblectamentis, recipere se coactus:  
 ibi, victûs regimine attentè servato, annis plus  
 minus quam decem, in hunc modum exactis, con-  
 valuit. Sed dum rusticus fuit, ne animi facultates  
 in otio torpescerent, libros fere omnes de anatomicâ,  
 de physiologiâ, et de chemiâ; multos etiam in re  
 medicâ Græcorum scriptores, animo in ea studia  
 intentiore, perlegit; præcipue autem, et præ aliis,  
 Boerhavii opera evolvebat; cuius semper scholæ se  
 amatorem professus est.

QUARE tandem in sanitatem restitutus, ut prælectiones omnes, vitæ instituto, quam maximè consentaneas, exaudire potuerit, in Oxonium denuò et mox Londinum sese contulit: deinde titulo doctoris medicinæ apud Oxonienses suos adornatus, sede et domicilio Readingæ constitutis, ad medendi scientiam in praxin reducendam eâdem industriâ, eodem, quô antea in acquirendo, labore indefesso incubuit; uxorem, benignam sociam, sibi adjunxit, e quâ pater-familiæ factus fuit; et, e filiis ejus, natu maximus, comitorum in senatu fuit ROGATOR illustris: et in hunc excelsum honorem ob doctrinam summam CATHEDRÆ illi sublimiori maximè idoneam, et ob eloquentiam dilucidam publicâ voce vocatus.

Post aliquot annos Addingtonus noster, sedibus in Londinum translatis, eâdem diligentia simul atque ingenio, in urbe, ut olim in rure, magnam sibi famam consecutus est. Quanto honore omnes

medendi

medendi rationes exercuit exquisitas, quam singuli-  
lari unumquemque ægrotum assiduitate observavit,  
hæc omnia, vobis omnibus inclaruerunt, et me  
dicere vetant hujusce orationis limites \*

\* FAMA indies digniore amplificatus, per viginti & plures annos  
Londini artem nostram exercuit: Spartam nactus est, et eam strenue  
exornavit; annos jam penè septuaginta natus, et in senectutem ver-  
gens, Readingam denuo rediit, ubi prorsus medicinæ usus deposue-  
rat, paucorum nisi infelicum et miserorum gratiâ, quos rure apud se  
humanius receperat, et quibus auxilium et operam usque ad octo-  
gesimum et ultimum jam vitæ annum benignè largitus est; et su-  
bitò sublatus fuit.

" ANNO hujusce seculi vicesimo (ex annalium sane nostrorum  
monumentis, si fieri posset, eruendo) plures mente captos fuisse  
memoriae proditum est; in quos prodigus fortunæ favor amplissi-  
mas confertim opes profuderit; quam quos iniqua eadem bonis  
omnibus et omni patrimonio nudaverat. Non desunt hominum  
exempla, quos momento temporis pessundederit vehemens exulta-  
tio: anima quasi interclusa, et vim magni subitique motus non  
sustinente; ideoque hanc alis apoplexiæ causis merito jure annu-  
merat Aretæus \*." De Rhodio Diagorâ celebrata est historia;  
is Diagoras tres filios adolescentulos habuit, unum pugilem, alterum

\* Παρέλυσε κοτε και χάρης ἀδόκητον, και μεγα, και γέλως ἄσθετος μεχρι θανάτου, ἀντα  
ταῦτη μὲν, αρχὴ πρωτη.—Aretæus p. 35. Edit. Boerh.

Oh! utinam, auditores, ut longius proveherer,  
ut omnia quæ, amicitiæ ergo, de præstantissimo  
hoc viro possim, enumerarem; sed prætermittere  
plurima temporis ratio jubet: et ipsa virtutum  
copia, quæ graviorem jacturæ reddat recordatio-  
nem, me ab ulteriore revocat commemoratione.

---

pancratiaſten, tertium luctatorem; eos omnes vidit vincere corona-  
rique Olympiæ eodem die; et quum ibi eum tres adolescentes am-  
plexi, coronis suis in caput patris positis, faviarentur, quumque popu-  
lus gratulabundus flores undique in eum jaceret, ibi ille in stadio,  
inspectante populo, in osculis atque in manibus filiorum, animam  
efflavit.—*Aulus Gellius*, iii. xv. p. 242, *Ed. Gronov.*

PAULO aliter Cicero, *Tuscul.* p. 112. *Ed. Davis.* “Laconis illa  
vox, qui cum Rhodius Diagoras, Olympionices nobilis uno die filios  
suos victores vidisset, accessit ad senem et gratulatus, *Morere, Diagora,*  
inquit, *non enim in cælum ascensurus es.*—Ciceronem sequitur Plutar-  
chus, *Vit Pelopid*, vol. ii. 396. *Ed. Reiskii.*

Sic quoque mortuus est Chilo ille Lacedæmonius, ὃς τῶν ἐπτα-  
τοφῶν πρῶτος ἔφυ σοφιῆ. — Ετελεύθησε δέ, inquit Diogenes Laertius, ὃς  
φησιν· Ἐρμιππος, ἐν Πισῃ, τὸν υἱὸν Ὀλυμπιονίκην ἀσπάσαμενος πυγμῆς. Ἐπαθε-  
δὲ τῷο ὑπερβολῇ τε χαρᾶς καὶ ἀσθενείᾳ πολυτίας.—*Diog. Laert.* i. 72.  
vol. i. p. 45.

magis in eisbus tunciam si tuncivis conibib

SUBLATUS est nobis hic vir optimus, doctissimus, peritissimus. Sublati quoque jamjudum fuerunt hi omnes quorum famam, doctrinam, et virtutes tam abundè prædicavimus ; et omnia præter nomina, et opera nunquam peritura, cum corporibus extincta et eversa jacent. Debemur morti nos nostraque : sed nec nobis nec illis profint lachrymæ in vacuum effusæ ; quin potius, quoniam omnes eadem devinxit conditio, et impræsentiarum æterna non capimus consilia, hæc dulcia habeamus solatia, majores tam præclaros tam insignes nos habuisse ; qui, luminum tot cælestium ad instar, alternis vici- bus, ad patriam illuminandam, ad civitatem, ad cives omnes subveniendos et opitulandos ; et ad artem nostram, tam apprimè utilem, tam maximè necessariam succurrentam, promovendam, et vindicandam, exorti sunt.

PROFECTO quoniam VIRUM, qui nostram hanc condidit civitatem in summum laudis fastigium

ob

ob benevolentiam famamque sustulimus; et quoniam apud vos, apud posteros omnes in summo habendi sunt honore, illi omnes, qui eandem hanc civitatem conditam amplificatamque servaverint; vestrum erit omnia circumspicere, ne omnia periclitentur: quis enim, cui templo hæc sint tam cara, quam dulcia et jucunda, optaret ut cum legibus nostris omnia extincta et eversa jacerent. Misserum fuerit vi exturbari a sedibus nostris, miserius, fraude et injuriâ; acerbum ab aliis circumveniri, acerbius a propinquis et quasi fratribus; indignum a pari vel superiori vinci, indignissimum ab inferioribus et humilioribus.

**R**EDEAT pax alma! sed genus est hominum, qui omnia in meliores semper partes mutare velint, quamdiu in meliorem rerum statum sibi ipsis potuerint mutare; nolumus nostræ reipublicæ leges mutare: sunt autem hisce temporibus, qui se omnium esse primos contendunt, nec sunt; et

qui sub prætextu publicæ utilitatis promovendæ, omnia satis apta et suis commodis suoque imperio avidissimè contemplantur: rerum sacrarum antistites, rebus sacris omnibus sub pedibus conculcati, per urbem, per provincias, per totum terrarum orbem, belli, horridi belli, classica inflaverunt.

SED hæc omnia; pro nihilo ducenda, aliis quasi nugas relinquamus, quanquam hæ nugæ multos possint in feria ducere mala, in omne ævum deplorandæ; et virtutem, solum et unicum veræ sapientiæ et honoris fontem, in perpetuum colamus; artem et nostram omni labore, omnique studio, sedulissimè in summum gradum efferamus; et vos, viri integerrimi, semper mores teneatis antiquos, vestram semper teneatis auctoritatem, a majoribus per multos annos traditam, fide et firmitate animi, et constantiâ, et liberali ita munitam custodiâ, ut hos Cœtus, dulces et solennes, et hanc venerabilem Ædem nulla unquam attingat infamia.

MISSIS autem omnibus his lamentis, haud magni momenti, ut dicam planè quid sentio, nobis interim congratulari liceat, Collegæ ornatissimi, qui majorum nostrorum quodam numine excitati, generosum aliquod et magnificum in publicum commodum et in publicam pacem honorificam, intus ardere sentimus; quiique, qualescunque fuerimus, anteaquam intra hafce ædes recepti, cum tamen nosmetipso tanquam illis affines, et, jure adoptionis, fratres eorum habeamus, nobiliorem illicò animi indolem assumere videamur, et tantam vim habent bonorum exempla, ut paulatim ad eorum animi magnitudinem et benevolentiam erga cives omnes affurgamus.

ALII ex aliis inclauerunt viri; singulorum et universorum eadem adest æmulatio: alter ex alterius laboribus ulteriores adhuc facit progressus; quippe quod tantarum rerum contemplatione, frigidora etiam pectora incalescerent; ingenium, otio et ig-

naviâ torpescens, exuscitaretur, et doctrinæ admirationem et scientiarum culturam patientem, verba et voces, haud invita sequerentur. Adeo ut omnes diversæ medicinæ partes, ritè sic appellatæ, summo nuperrimè studio, et secundioribus avibus, exultæ fuissent.

*medicinæ partes ritè sicut appellatæ sunt*  
*et secundioribus avibus exultæ fuissent.*

IN anatomiâ, culter quasi *sacer* origines, sedes, causasque multorum morborum antea ignotas in clarâ luce posuit. Res anatomicæ dignissimæ semper a majoribus nostris judicatæ fuerunt, in quibus maximè elaborarent; ita de illis omnibus, nostrates, hisce diebus maximo jure gloriari possunt, ut vix quicquam jam habeamus quod magis in laudem et decus societatis nostræ redundaverit.

*herbarum potentia subjicitur vobis.*

HERBARUM potentia subjicitur vobis. Et chemia, quamquam pars quondam physicæ fuerat, et adhuc in infantiâ videbatur esse, et crepundiis delectari, ita ut librorum turba in sylvam immensam

immensam producitur, anteaquam fundamenta ipsa scientiæ fixam et immotam ullam habeant sedem; et contentio adhuc major de terminis quam de soli possessione permanxit; sed ea pars dicta, *philosophica chemia*, adeo familiarissimè et amicissimè cum medicinâ stabile connubium conjunxit, ut a medicis omnibus, maximi momenti, in arte suâ exercendâ semper habenda sit: hinc inconditæ medicamentorum formulæ ad simplicem et utiliorem elegantiam revocantur; hinc nova Pharmacopœia *Collegii Regalis Medicorum Londinenſum* apud nostras, apud exteris gentes summam adepta est famam.

VESTRÆ etiam, socii præstantissimi, vigilantiæ debetur, quod singulari fide et prudentiâ omnia fint administrata; quod ærarium nostrum sit valdè locupletatum; quod novo splendore eniteſcant mœnia; quod Bibliotheca nostra novis fit instruētior libris, et multâ magnificâ superlectili adornata.

Ita

Ita ut quantum nos hujusce ævi majoribus  
debeamus nostris, tantum vobis debituri sint pos-  
teri: quid pluris denique sit vestrum, quam,  
quod facitis in præsentiâ, ut majoribus nostris,  
qui nobis hos præclaros tradidere honores, ita gra-  
tias habeatis maximas, ut posteris simillimos et  
æquè insignes præstetis. Ita ut majorum virtutes  
et dignitates suscipientes et admirantes, optimos et  
illustriores eorum non solum æmulemini; verum  
etiam, uti confido, eorum *famam*, *doctrinam*, et  
*pietatem* erga matrem hanc nostram *augustam* su-  
peretis.





